

四庫全書

史部

欽定四庫全書

史部

硃批諭旨卷一百二十八

臣 永 瑤 恭 校

編 修 臣 裴 謙 覆 勘

總校官中書 臣 朱 鈐

校對官助教 臣 卜 惟 吉

謄錄監生 臣 汪 存 靖

欽定四庫全書

硃批諭旨卷一百二十七

硃批高其位奏摺

雍正元年四月二十七日江南提督_臣高其位謹

奏為恭請

聖安仰慰

睿懷事欽惟我

皇上純孝性成哀由心篤切自

聖祖仁皇帝龍馭上賓歷今五月

皇上撫時悲慟感物傷懷愈久彌殷追慕無極亙古帝王之大孝未有如我

皇上之肫誠篤摯者也臣前在京跪送

梓宮起行時伏見

皇上扶行哀號悲慟不自知慘怛之至亦頓忘

聖體之勞臣即奉

命南旋北望淚零五內摧裂伏思

聖祖仁皇帝臨御六十餘年深仁厚澤普被萬方我

皇上以聖明仁孝治天下承億萬世之丕基溥海遐荒

罔不瞻

天仰

聖在我

皇上之孝思不置原無盡時惟念

宗廟社稷所憑依四海臣民之仰戴恭懇少紓哀痛保護

聖躬以仰慰

聖祖在天之靈永垂萬世無疆之治天下臣民幸甚為此

具摺謹

奏

覽高其位此奏字句之外實有一片愛君之心發乎至誠非泛泛虛文可比朕觀之不覺淚落該部傳諭喜翼之以表其誠

雍正元年六月二十五日江南提督臣高其位謹

奏為遵

旨據實陳奏恭繳

硃批奏摺事竊臣欽奉

諭旨查江南米價時值青黃不接之際目下稍昂每石
一兩一二錢不等自春至夏四五月雨水充足至
六月中旬雨澤未降臣親率文武官員齋戒設壇
祈禱於二十四日甘霖大沛田禾茂發謹先據實

奏

大慰朕懷

聞又接署撫臣何天培遵

旨以海口各處墩臺礮臺修整密行知會到臣臣已不

時嚴飭營員照例移催地方文職勉力修整在案

茲蒙

此事當時留心整理至於操練水師尤屬緊要
睿慮及此臣敢不益加黽勉仰紆

聖懷又松境泖澱二湖接連太湖為匪類出沒之所今

臣添設巡船十隻挑選幹弁帶兵防緝更換輪巡

地方幸得寧靖合併奏

聞伏祈

睿鑒謹

奏

所奏知道了

雍正元年七月初三日江南提督臣高其位謹

奏為請

旨事竊臣接到部文臣標中軍叅將張君烈已蒙

特旨補放山東沂州副將臣查中軍員缺例應

題補今選得劉河營遊擊鄧良臣堪以補放至劉河

營遊擊員缺亦係例應

題補今選得臣標前營中軍守備金騰鳳堪以補放

至臣標前營中軍守備員缺亦係例應

題補今選得臣標前營千總賀陞堪以補放第查遊

擊鄧良臣係署都司僉書管遊擊事守備金騰鳳
係署守備管守備事銜缺俱不相當守備員缺現
有部發年滿千總奉

旨令督臣撫臣考驗補授臣皆不敢違例遽行具疏

題補但為地方需才起見相應瀝情繕摺請

旨謹

奏

照依此摺具本題奏將不合例緣由本內聲明可也

雍正二年二月二十一日江南提督臣高其位謹

奏為奏

聞事竊浙省緣舊歲歉收時有饑民乏食負販私鹽潛
入江境百姓貪其賤價羣相聚買臣恐日聚日多

致生事端即遣將弁率兵協同地方官捕曉諭驅
逐旋經四散回籍但今二麥未熟猶恐窮民貪利
或為姦集地棍煽惑難保其不復來境臣又移咨
浙省撫臣提臣加意撫綏查禁並會同督臣查弼
納署撫臣何天培協拏窩集地棍以絕根株合將
驅捕鹽徒情形恭摺奏

聞謹

奏

覽奏已悉如此會同料理甚是據查弼納亦經奏過與爾意見相同

雍正二年三月十八日江南提督臣高其位謹

奏為奏

聞事竊臣於本年三月初三日自松起程前赴沿海查閱水師操練以及礮臺墩臺官兵瞭巡勤惰并太湖泖澱諸河防範疎密隨看經過營汛兵馬事竣抵松經臣先後恭疏

題報外其江浙分屬之泖河澉河澄河港泖叢雜洶屬姦宄易滋之地目今太湖現奉

諭旨業經會同督撫臣公同確議稽查防範之法會

題在案若泖澉諸湖亦與太湖毘連界沿兩省預籌

防禦之法前經兩省督撫臣暨一臣會委文武查勘

其間支河泖港繁多計松江府所屬者一百一十

此一事廷臣議不准行廷臣拘執常理應如是議至於

三處已據該知府周錞元查明通詳願捐工料盡
地方文武大吏酌量彼處情形相機而為又在爾等權
行堵築中留一缺釘以木椿使水通流以滋灌溉

宜措

施也查果無礙於商民之處毋因廷議不准遂爾

擇其要口建立木柵以通民船嚴其啓閉臣親履

中止

地方諸務總以便民為主誠能實心任事自必情

查勘百姓樂於趨事將次告成至蕪州府所轄之

理俱

洽

支河汊港現經督撫臣飭令一例堵築又經咨明

浙省撫臣飭行所屬將支河汊港照此一例堵築

以杜姦宄出沒之路計臣所歷由海口以及內湖

約經千里第見雨暘時若麥豆向榮米價平減兵

民樂業臣不勝慶幸之至合併奏

聞謹

奏

覽雨水米價情形深慰朕懷揆厥所由緣爾等文武和衷實力奉公能令兵民心志舒暢有以感召

天和之所致也勉之

雍正二年六月初十日江南提督臣高其位謹

奏為恭請

聖安事竊查今年四月下旬海潮溢入蘓松內河臣親加查訪海塘岸址依然無恙蚤發之秧偶有損傷

幸閏四月芒種節前後連得大雨水淡如故秧苗
茂發插時及時再今歲當二麥已收秧苗未插之
時上江廬州池州下江揚州鎮江等處間有蝗蝻
生發徧行竭力撲捕突於閏四月二十七日有飛
蝗大陣過松江府之神山忽然雷電大作土人見
烏鴉千萬成羣啄食飛蝗一時盡滅無遺禾苗毫
無損傷目今田禾茂盛若六七月內再得甘雨可
望十分收成目下米價上白每石一兩二錢四五

分不等次白一兩一錢五六分不等再者太湖港
瀆應否釘築之處臣現會督撫臣確議

奏覆所有應添兵丁五百名臣稔悉江南形勢在在

汛廣兵單不敷防禦今酌量自提鎮以至千把捐
抽隨丁以足五百名之數臣亦現在咨會督臣查

弼納酌核具奏合併

奏明伏乞

睿鑒謹

奏

覽奏禾苗茂盛大慰朕懷但諸如此等之奏務須據實
若涉絲毫粉飾則為欺誑也切記切記

雍正二年七月二十五日江南提督臣高其位謹

奏為奏

聞事竊臣據濱海各營報稱七月十八十九兩日晝夜

狂風驟雨海潮飛湧漫溢塘堤進內四五里沿邊

護堤衝汨殘缺甚多民人皆避登高阜其有黑夜

不及走避者即遭沉溺室廬六畜亦多漂沒幸塘外海潮旋退而塘內之水從支河小港洩於黃浦吳淞二江近塘之禾豆木棉漸經涸出雖為鹹水浸漬尚有一半生機內南匯川沙二處比他處被傷較甚至崇明一邑四面皆海被傷尤甚土人名曰海嘯臣即星差各營將弁四出徧行查勘一面飛咨督撫臣安輯被災黎民不致失所并檄飭松江府迅往查勘并將衝缺要口星飛搶築外臣今

現在清查海塘殘壞處所及沿邊礮臺墩臺烽寨
營房等項均關係地方民生並移會督撫臣作速
檄飭有司設法漸次修整完固另行具

奏合將海溢情形據實奏

聞謹

奏

知道了據查弼納何天培陳天培俱奏過矣海嘯為災
甚屬迅猛居民走避不及被傷必重爾等當加意撫安

地方為要

雍正二年八月二十六日江南提督臣高其位謹

奏為請

旨事竊照江南金山營參將鄧良臣欽奉

俞旨准補京口水師副將所遺金山營參將一缺係應
行

題補地方且金山營偏臨大海係江浙之首衝最為
險要參將一缺非得熟諳邊海人員不足以資彈

歷今臣看得臣標左營遊擊侯宗周蕪松水師鎮
標中軍遊擊冉起鳳二員現經督臣欽奉

上諭會同臣保題引

見在案查該員等操守清潔訓練勤謹均堪選補金山
營叅將第侯宗周係署都司僉書管遊擊事冉起
鳳係守備管遊擊事銜缺各不相當臣是以未敢
擅會督臣具

題臣為地方需才起見理合繕摺請

旨伏乞

睿鑒謹

奏

知道了侯宗周冉起鳳到京引見時候朕另有諭旨

同日又

奏為恭謝

天恩事竊臣齋摺把總回松恭捧賜臣

御書

聖製七言律詩金扇一柄到臣臣隨出郊跪迎至署恭
設香案望

闕叩頭謝

恩祇受訖臣前奏摺奉有

皇上硃批覽奏禾苗茂盛大慰朕懷但諸如此等之奏
務須據實若涉絲毫粉飾則為欺誑也切記切記
此臣跪讀之下不勝戰慄臣本一介微賤叨沐

聖祖仁皇帝暨我

聖主豢養之恩由京職洊歷外任已經五十餘年自愧
毫無報效惟恃此區區血誠以仰答

洪恩斷不敢以地方無據之事妄陳於

君父之前況逢

聖主明同日月臣何敢有絲毫粉飾上負

國恩以貽罪戾今蒙

皇上諄切告誡臣惟益勵精忠愈矢誠實以仰副切記
之

恩旨為此繕摺謹

奏

朕前諭爾據實直陳毋涉粉飾者蓋指奏報收成分數而言非有他意也

雍正二年九月二十四日江南提督臣高其位謹

奏為奏

聞事竊照江南省今歲收成除沿海沿江風潮處所應聽督撫臣確勘分數

奏報外今臣通查上下江合計各府州收成實有六分七分之數所有米價目今上白米每石一兩三錢二三分次白米每石一兩二錢四五分理合據實奏

聞謹

奏

據奏已悉米價目下如此恐至來春更昂地方被災雖經賑恤但一切防禦刻不可忽亟當嚴飭屬員緝訪匪

類不時稽查至於沿海一帶關隘礮臺尤宜上緊修整
勉之勿懈

雍正二年十月初九日江南提督臣高其位謹

奏為奏

聞事竊臣據臣標黃浦水師營守備盛天福呈送玉印

一顆夔龍雙鈕據稱民人何生於黃浦地方遇漁
人捕網得之海邊出錢二百文買歸洗滌沙泥知

為玉印不敢私藏投送守備轉送臣衙門臣隨細

詢買獲民人委係得之海邊漁人不知姓名出錢
買回原無篆刻臣發銀賞給外理合恭摺奏

進伏乞

聖主睿鑒謹

奏

此事若出自他人非卿奏聞朕不信也卿乃忠信老成
封疆大臣斷不至有捏造虛誕之舉以阿諛取容此或
神明表卿敬君愛國之心所以於卿統轄地方昭錫嘉瑞

今賜卿數物以示朕欣喜之意

雍正二年十月二十八日江南提督臣高其位謹

奏為請

旨事竊

臣

前奏金山營叅將員缺將

臣

標左營遊擊侯

宗周蕪松水師鎮標中軍遊擊再起鳳均堪選補

因銜缺未符經臣恭摺請

旨茲蒙

皇上硃批欽此欽遵

臣

會同督臣撫臣繕疏具

題給文侯宗周冉起鳳赴部引

見仰祈

天恩或於此二人中揀選一人補放金山營叅將抑或

於記名人員內揀選補用惟候

敕旨遵行

臣謹恭摺

奏明謹

奏

朕觀冉起鳳為人老成侯宗周過於機巧此等質性不

宜於武職大員當留心用之

雍正二年十二月初四日江南提督臣高其位謹

奏為恭謝

天恩事竊臣齋捐家人回松恭捧

皇上特賜微臣四團龍補褂蟒袍一襲人參九觔貂皮

九十張臣恭設香案望

闕叩頭謝

恩祇領訖伏念臣本一介庸愚深沐

聖朝知遇未報涓埃茲復恭膺

殊寵實屬千載非常之榮臣惟有竭盡愚忱矢心精白

和輯兵民整理地方以仰答

覽卿奏謝知道了

高厚於萬一耳又臣奏秋成摺內奉有

朕諭令五省運往平糶之米麥聞甚有益可足民食否

皇上硃批仰見

聖明睿照臣當即知會督撫臣酌平市價以舒民困至

沿海一帶向稱險要臣於平時已嚴飭巡察茲蒙

爾未免年齒高大有傷員或懷藐視之心亦未可定將欺

聖主諄切訓誡臣敢不凜遵益加嚴飭屬員稽察匪類

隱

二字時刻留心查訪自不致有疎虞矣

共期盜賊消弭地方安堵至關隘礮臺現經督撫

臣勘委文員作速修整在冬杪春初可以告竣合

併奏

聞謹

奏

關隘礮臺巡防攸賴修整速竣甚好

雍正三年正月二十六日江南提督臣高其位謹

奏為叩謝

聖恩仰祈

睿鑒事竊臣齎家人回松蒙

皇上將江蘇布政使鄂爾泰奏摺發臣閱看臣跪讀

硃批諭旨不勝惶悚俯伏涕零緣康熙六十一年八月

臣奉

聖祖仁皇帝特旨署理兩江總督印務時因江寧將軍岳

吉納移咨修葺江省城垣江蘇布政使李世仁安

徽布政使李馥會議詳請暫動庫帑估修即以各

官俸工抵補係屬江南舊例臣隨循例允議興修

值督臣查弼納到任臣即交印卸事恭逢

聖主登極奉

恩旨免捐各官俸工其時李馥陞任浙撫已將城工一

項照分彌補而李世仁則列入虧空案矣臣署督

篆未及四月日矢冰兢惟此城工一項係臣經手

之事

國帑所係分賠亦臣分所宜臣何敢辯今蒙

聖主格外加恩如此深重實覺夢寐難安臣恨年老力

衰不能為我

皇上出力報效惟有任一日之職盡臣一日之心竭臣

一日之精神辦

國家一日之公事以仰酬

高厚之恩於萬一耳為此繕摺恭

謝謹

奏

朕觀爾尚未衰老似爾如此大臣便閒住任所亦可為
朕坐鎮封疆勉為之但防屬員欺隱之弊要緊

雍正三年四月二十四日江南提督臣高其位謹

奏為恭謝

天恩事竊臣齎摺千總回松恭捧

皇上欽頒摺匣四箇到臣隨望

闕叩頭謝

恩祇領訖再照蘇松沿海一帶上年潮患鯨收蒙

聖主軫念饑黎邊海皆經設廠賑粥又得平糶米麥接濟萬民得所莫不歡呼且自春入夏雨水調和二麥豐茂現在收割今又蒙

聖主減免蕪松二府浮糧四十五萬兩并租田耕種之窮民荷蒙

聖恩敕議減租此誠數百年來希遇之

曠典惟見黃童白叟士農工賈莫不衢歌巷舞歡聲如

雷以仰頌

聖天子萬壽無疆目今米價上白每石一兩三錢二三
分次白一兩二錢三四分理合一併奏

聞謹

奏

覽

爾諸弟內高其倬頗好當獎勸之令其加勉惟高其佩
甚屬卑污鄙賤日以逢迎年羹堯為事亟宜再三訓飭
令其悛改

雍正三年六月二十二日江南提督臣高其位謹

奏為恭謝

天恩事竊臣齎摺家人回松蒙

皇恩頒賜錠子藥及扇墜到臣隨跪迎進署恭設香

案望

闕叩頭謝

恩祇領訖伏讀

硃批諭旨臣不勝悚惕惶懼伏念臣弟雲章員總督臣高

其倬荷蒙

天語褒嘉

恩榮莫並臣謹遵

旨馳寄家信赴滇宣達

聖主之殊施曷其始終不渝仰答

高厚臣弟正紅旗漢軍都統兼刑部侍郎臣高其佩卑

污鄙賤逢迎年羹堯之處蒙

聖恩洞鑒不加罪譴

諭臣訓飭臣不禁警惕汗流臣思欺

有人心

君負國如年羹堯誠為當世之罪人凡屬臣工俱當痛

以為戒警臣即欽遵

恩旨星寄家書嚴加訓飭令其洗滌肺腸痛自刻責務
與年羹堯絕交俾得悔罪更新以勵臣節仰副

聖主矜全訓誨之

洪慈為此繕摺奏

謝謹

奏

如年羹堯負心背恩欺君辱國之人當發願世世不與
為同類豈僅絕交遂可為悔罪更新之道乎

雍正三年九月初四日江南提督臣高其位謹

奏為恭謝

天恩事竊臣齋摺家人回松恭捧

皇上賜臣荔支一瓶到臣隨出郊跪迎至署望

闕叩頭謝

恩祇受謹繕摺恭謝

天恩臣更有奏者臣於雍正元年

陛見時曾以臣年衰老懇請

聖主揀選賢員補授臣標中軍叅將協助辦理荷蒙

聖恩以臣保舉之右營遊擊吳進義

特擢中軍叅將交臣試用及今三載吳進義辦事明敏

諸務勤謹訓練有方寬嚴得當實於營伍地方有

益今臣蒙

聖恩內召而吳進義係奉

旨交臣試用之人洵屬能員臣謹據實

奏覆伏乞

睿鑒謹

奏

覽卿奏謝知道了吳進義之優處卿於到京之日面奏可也

雍正三年九月二十四日江南提督臣高其位謹

奏為奏

聞事竊臣通查上下江各府州所屬收成分數自十分九分以至八分七分六分不等雖有多寡不同但被水受旱之處止有睢寧宿遷江都寶應興化山陽清河沛縣旌德太平儀徵泗州盱眙等州縣而內中受傷者亦不過幾處鄉村統計通省實多豐熟是以現今米價已減若至十月米糧盛出米價定當再減草野咸歌樂利海疆悉頌休和為此繕

摺據實奏

聞謹

奏

覽奏深慰朕懷總賴

聖祖在天之靈默為佑庇也

雍正三年十一月二十九日太子少傅內閣大學

士暫理江南提督事務臣高其位謹

奏為恭謝

天恩事竊臣於雍正三年十一月初十日接臣孫高琦

家信報稱九月內奉

旨高其位著補授文淵閣大學士兼禮部尚書臣隨恭

設香案望

闕叩頭謝

恩訖伏念臣一介庸愚毫無知識荷蒙

聖恩特授樞機重任緣遵

旨候新調提臣魏經國到松交印是以未得趨赴

闕廷仰觀

天顏乃蒙

皇上天恩高厚授臣為文淵閣大學士兼禮部尚書臣

何人斯仰蒙

聖恩有加無已臣即鞠躬盡瘁亦何能報稱於萬一今

計奉

旨兩月有餘微臣感激之私不忘寤寐祇以部文未到

不敢違例具本又不敢以未接部文而稽延謝

恩之微悃臣心歎仄難安謹繕摺恭謝

天恩伏乞

睿鑒謹

奏

周瑛已從塞外抵川赴任矣卿來京見朕指日可期

硃批諭旨卷一百二十七